

AN IN ARTICULATIONE  
FEMORIS CUM TIBIA,  
AMPUTATIO

ALIQUANDO SIT CELEBRANDA?

T H E S E S  
ANATOMICO-CHIRURGICÆ.

QUAS, DEO JUVANTE, & Præside M. PETRO SUE,  
Juniore, Collegii Præsecto, antiquo Scholarum Præcticarum  
Anatomie & Chirurgie Professore, Regia Academia Chirurgicæ  
Consiliario, Academiarum Monspeliensis, Rothomagensis &  
Divionensis Socio, nec-non in generali Parisiensi præfecturâ  
Chirurgo ordinario, tueri conabitur BERNARDUS NAURY,  
Lascuriensis; Artium Liberalium, in præclarâ Parisiensi Uni-  
versitate, Magister.

P A R I S I I S,  
IN REGIIS CHIRURGORUM SCHOLIS,

*Die Lunæ trigesimâ mensis Octobris, A. S. H. 1775,  
à sesqui-secundâ post meridiem ad septimam.*

PRO ACTU PUBLICO  
ET  
MAGISTERII LAUREA.



Typis MICHAELIS LAMBERT, Regii Chirurgiæ Collegii  
Typographi, viâ Cithareâ.

---

M. DCC. LXXV.





AN IN ARTICULATIONE  
FEMORIS CUM TIBIA,  
AMPUTATIO  
ALIGUANDO SIT CELEBRANDA?  
THESES  
ANATOMICO-CHIRURGICAE.

Quas, Deo juvante, & Praefate M. Patro Dno,  
Junior, Collegii Praefecto, cuiusque Scholarum Praefecto  
Anatomiae & Chirurgiae Praefecto, Regiae Academiae Chirurgicae  
Consistorio, Academiarum Medicae, Anatomicae &  
Chirurgicae Senio, nec non in generali Praefecto praesentibus  
Chirurgiae ordinis, tam consensu Bernardus HARRY,  
Lecturicus, Virum Liberrimum, in Praefecto Praefecto Viri  
peritiae, Praefecto.

PARIS 1772.  
IN REGIS CHIRURGICUM SCHOLIS.

Die hanc regendam missis Quibus, A. S. H. 1772.  
h. sequebantur post mentem ad sequebantur.

PRO ACTU PUBLICO  
ET  
MAGISTERII LAUREAE.



Typis MICHAELIS LAMBERT, Regii Chirurgiae Collegii  
Typographi, via Chirurgi.

M. DCC. LXXV.





D. O. M.

T H E S E S

ANATOMICO - CHIRURGICÆ.

*AN in articulatione femoris cum tibiâ, amputatio  
aliquandò sit celebranda?*

---

Cuncta priùs tentanda : sed immedicabile vulnus

Ense recidendum est, ne pars sincera trahatur.

OVID. *Metamorphos.* Lib. I. Fab. VIII.

---

**M**AXIMAS inter Chirurgiæ operationes, certè enumeranda *Proloquium,*  
artuum amputatio. Hanc à primis artis salutaris parentibus des-  
criptam invenimus ; sed in parte mortuâ sectionem prætulit  
*Hippocrates*, dùm in parte sanâ illam voluit *Celsus*. Hæc verò  
ad amputationem in continuitate membri præcipuè pertinere  
videtur : quandò enim vitium in ipsâ ossium articulatione aderit,

A



pluribus in casibus, operationis locus certus & indubius habebitur; è contrà ossum vel in continuitate, vel in contiguitate celebrari poterit amputatio, si in continuitate morbus adsit. Quæ quidem fusiùs explicabimus in programme sequenti: *De femoris in articulatione cum tibiâ amputatione*, annuente & viam ducente celeberrimo Artis Magistro & Professore D. *Brasdor* (a). Antea verò, vetusto pro Scholarum more, partium quæ in genu compositionem intrant, anatomica saltem adumbratio à nobis exponenda.

## EX ANATOMIA.

*Partium divisio.* PARTES quæ genu constituunt sunt duræ & molles, internæ & externæ. Duræ sunt pars femoris inferior, pars tùm tibiæ, tùm peronei superior, & patella. Molles sunt musculi, ligamenta, cartilagine, vasa & glandulæ, de quibus, duris partibus descriptis, dicemus.

*Femoris pars inferior.* DUE eminentiæ, *condyli* dictæ, ossis femoris extremitatem inferiorem præcipuè constituunt, posteriùs admodum prominentes, & anteriùs in modum trochleæ unitæ. Interna, sive condylus internus, respectu longitudinis corporis ossis, inferior aut longior externo apparet. Externa, sive condylus externus, latior est, atque magis quàm alter anteriora versùs procedit. Ambo cartilagine admodum politâ obducuntur; & licet nonnisi unicum invicem corpus constituent, anteriùs tamen & inferiùs depressione levi quasi distinguuntur: at posteriùs per incisuram profundam atque rotundam separantur, in quâ plura foraminula adsunt, & duæ impressiones semi-lunares admodum

---

(a) Perdocta legitur in *Academ. Chir. Commentariis*, tom. V. Dissertatio hujus Magistri *de Amputatione in articulis*; ex eâ deprompsimus quæcumque pertinent ad nostri programmati subjectum.



[5]

superficiales & paucillūm latæ adnotantur, una inferiūs in condylo interno paululūm antrorsūm, altera inferiūs in condylo externo, sed retrorsūm. In latere cuiusvis condyli tuberositas, & retrò impressio quædam muscularis, parvaque faciecula superficialis cartilaginosa conspiciuntur, in quâ species ossis sesamoidei locatur, si *Winflowii* verbis fides habeatur (b).

TIBIÆ extremitas superior veluti caput ipsius considerari potest. A duobus condylis superiūs admodū complanatis, & in duas facies cartilaginosas, ferè horizontales, distinctis, leviterque cavis formatur, unâ internâ, & alterâ externâ. Inter has duas facies tuberositas cartilaginosa adest, quæ duplex videtur, atque anteriūs & posteriūs variis acuitur inæqualitatibus. Capitis duæ facies, duobus ossis femoris condylis modò descriptis respondent: interna paucillūm oblonga & parumper magis deprimitur, quàm altera: externa rotundior paululūm retrorsūm descendit. Totum caput in circumferentiâ suâ, parte posteriori exceptâ, ovale existit; condylus externus interno magis prominet; inferiūs & paululūm posteriūs parvâ facieculâ cartilaginosa gaudet, pro fibulæ articulatione. In parte capitis anteriore, tuberositas inæqualis, *spina tibiæ* dicta, reperitur, quæ ligamento rotulæ tendinoso insertionem præbet. Notandum hîc est totam capitis portionem suprà lineam spinæ tibiæ horizontalem sitam, & ipsam spinam, in juventute epiphises esse, quæ successu temporis apophises fiunt.

*Tibia pars superior.*

ROTULA, sive patella, parvum os suprà tibiam & femur situm, castaneæ equinæ aut sativæ formam refert. In basim, apicem & duas facies, unam convexam, & alteram concavam, dividitur. Basis sursum spectat, & impressione musculari admo-

*Rotula.*

(b) Vide Expositionem anatomic. *Winflow.* edit. an. 1753.



dùm notabili designatur. Apex obtusus est, & ligamento robusto patellam spinæ tibiæ annectenti insertionem præbet.

Facies convexa anterior est, leviter inæqualis, & quasi sulcata. Concava posterior est, & cartilagine articulari versùs usque apicem obducitur, ubi parva cavitas, sive fossula admodùm inæqualis fit. Facies hæc cartilaginosa, per lineam inter basim & apicem elevatam, in duas dimidias facies dividitur, quæ trochleæ femoris ita respondent, ut dimidia facies externa latior sit internâ, quemadmodùm portio trochleæ externa, portione internâ latior est. Per sat longum tempus cartilaginosa est patella, atque etiam in ossificatione ferè tota spongiosa evadit, faciebus atque impressionibus ipsius exceptis; tanquàm pars ad tibiæ peculiariter pertinens cum *Winslowio* considerari potest, instar olecrani mobilis.

*Fibula pars superior.*

EXTREMITAS fibulæ superior tuberositas quasi, sive caput per parvum planum cartilagosum obliquè complanatum est, quod cum facieculâ inferiore condyli externi capitis tibiæ articulat. Retrorsùm per speciem apicis brevis, obtusi atque ascendentis, terminatur.

*Genu articulatio.*

Os femoris inferiùs cum tibiâ per ginglymum peculiarem conjungitur; superiùs cum condylis femoris articulat tibia, & hæc articulatio ratione flexionis & extensionis cruris, ex parte ginglymoïdea, ratione rotationis cruris flexi, ex parte artrodialis est, id quod à duobus cartilaginibus intermediis pendet. Per suam extremitatem superiorem cum facieculâ inferiore condyli interni tibiæ articulat fibula, & hæc articulatio artrodia est, admodùm parvum motum concedens. Quandò sedemus, atque talum terræ imponimus, & apicem pedis alternatim in unum alterumve latus movemus, maximè evidens est ille motus, quem *rotationem cruris flexi* vocat *Winslowius*, & qui in hoc ce- rantùm situ locum habet.



Eosdem respectu tibiæ usus, quos olecranium respectu ossis cubiti, habet patella. Unum æquè ac alterum horum ossium, ad actionem musculorum faciliorem reddendam inserviunt, removendo eorum directionem à centro motûs articuli: ambo, horum tendines, à compressione, contusione, atque dilaceratione vindicant; differentiaquæ rotulam & olecranium intercedit, hæc est, quod hoc immobile, atque firmum sit, & non nisi unicum cum osse cubiti os constituat, dùm è contrà rotula mobilis est, & pars à tibiâ separata existit. Si rotula cum tibiâ unicum os constitueret, crus hæcæ semi-rotationes, modò descriptas, absque rotulæ dislocatione aut fracturâ, nequaquam instituere posset.

Parvus motus, sive artrodia obscura quæ in capite fibulæ adest, nullum alium usum habere videtur, quàm ut illud os, quod plurimis potissimum pedis musculis insertionem præbet, in nîsibus violentis suorum musculorum, v. g. quando strenuè currimus, quando salimus, vel quando magno pondere onerati incedimus, cedere queat.

CARTILAGO extremitatem inferiorem ossis femoris investiens, *Genu Cartilagines*, convexitati semi-ovali superficiei inferioris cujuslibet condyli, atque trochleæ ex eorumdem unione enatæ, perfectè respondet. Sed præter hanc-æ cartilaginem, tuberositas lateralis cujusvis condyli specie facieculæ cartilaginosaè posterius instructa est.

E cartilaginibus propriis tibiæ, duæ reliquas crassitie superant, & duas facies superiores hujus ossis capitis contegunt. Tertia cartilago parvam facieculam capitis tibiæ investit, quæ infrà suam faciem externam, id est, in parte inferiore condyli externi sita est. Cartilagines accessorie tibiæ, duæ sunt, quæ ratione figuræ *semi-circulares*, sive *semi-lunares*, & ratione sitûs cartilagines *inter-articulares*, vocantur. Harum convexitas, sive magna curvatura admodum crassa, & concavitas sive parva



curvatura admodum tenuis & ferè instar aciei falcis est. Faciebus superioribus capitis tibiæ eum in modum incumbunt, ut earundem crassities, sive convexitas, marginibus capitis respondeat, earundem acies versùs medium cujuslibet harum facierum spectet, & cornua unius versùs cornua alterius vergant.

Una tantum cartilago apicem extremitatis superioris fibulæ incrustat, atque articulationi cum parvâ capitis tibiæ facieculâ cartilaginosa inservit; crassior quidem est cartilagine extremitatis inferioris.

Rotula in facie sua posteriori, sive articulari, cartilagine admodum crassâ obducitur, quæ elevatione longitudinali admodum levi in duas semi-facies, duabus trochleæ ossis femoris portionibus proportionatas, dividitur.

*Genu Ligamenta.*

Ossa cruris cum osse femoris conjungi, mediantibus pluribus ligamentis, scilicet duobus lateralibus, uno posteriore, & duobus intermediis, *cruciatis* dictis, nemo nescit. E duobus lateralibus internum, quod latissimum est, superius tuberositati condyli femoris interni, & inferius in latere interno partis superioris tibiæ, inferitur; annectitur insuper margini cartilaginis semi-lunaris, sive inter-articularis internæ: ligamentum laterale externum, quod angustius & crassius est, ex parte condylo femoris externo, & ex parte tibiæ, immediate supra fibulam, & extremitati superiori fibulæ, inferitur; margini quoque cartilaginis semi-lunaris externæ agglutinatur. Ligamentum posterius, latum sed tenue, supra posteriorem condyli externi convexitatem primò annectitur, deindè obliquè descendit & pluribus expansionibus parti capitis tibiæ posteriori adhæret. Ligamentum circulare reliquis agglutinatum, latè circum extremitatem ossis femoris inferiorem sese extendit, in aliquali



distantiâ , suprà partes anteriores laterales & posteriores cartilaginis idem incrustantis, & suprà partem posteriorem magnæ incisuræ. Hoc os à cartilagine & incisurâ usque ad distantiam indicatam investit, deindè replicatur inferiora versùs, ad capsulam liquoris mucilaginosi articulationis efformandam.

E duobus ligamentis intermediis, sive cruciatis, incisuræ duos femoris condylos posteriùs separanti annexis, unum uno extremo impressioni superficiali internæ incisuræ femoris, & altero extremo incisuræ capitis tibiæ, retrò tuberculum cartilaginofum inter duas facies superiores reperiendum, annectitur. Alterum ligamentum cruciatum, uno extremo notæ externæ incisuræ femoris, atque altero extremo ante idem tuberculum cartilaginofum, & inter portiones anteriores earundem facierum, inferitur. Cartilagines semi-lunares, propter earum connexionem cum ligamentis tibiæ lateralibus, peculiaribus quoque ligamentis præditæ sunt; earundem cornua in ligamenta brevia & valdè robusta desinunt. Ligamento insuper hisce duobus communi instructæ sunt, quod à convexitate anteriore unius ad convexitatem anteriorem alterius, in modum arcûs, transversim excurrit.

Rotula tuberositati seu spinæ tibiæ annectitur, mediante ligamento lato, valdè robusto, quod directè ab apice hujus ossis descendit; parvis prætereà ligamentis lateralibus gaudet, quæ sensim à præcedente discedunt, & anteriùs margini capitis tibiæ inferuntur. Ligamentum insuper admodum gracile invenitur, quod unâ extremitate inferiùs in facie cartilaginofâ rotulæ, atque alterâ extremitate parti anteriori magnæ incisuræ, quæ inter condylos femoris est, annectitur. Ligamentum hoc freni vicibus fungi videtur, impediendo, ne pinguedo articularis in motibus genu vellicetur.

Ligamenta extremitatis superioris fibulæ brevia, plus minusve obliqua, admodum robusta, in duo anteriora & duo poste-



riora, quorum unum suprà alterum situm est, dividuntur. Superiora articulationem fibulæ arctius quàm inferiora circumdant: cuncta ligamento capsulari agglutinantur.

*Genu Synovia.* GLANDULÆ mucilaginosæ, in parvis spatiis, depressionibus, five incisuris levibus locantur, quæ in marginibus cartilaginum cujuscunque articulationis inveniuntur: à ligamento capsulari articulationis conteguntur: facillè substantia glandulosa ab adiposâ, colore plus minusve rubicundo vasorum capillarium glandulas cingentium, distinguitur. Tàm superius, quàm inferius, tales quoque glandulæ mucilaginosæ in marginibus cartilaginum semi-lunarium inveniuntur. Ultimæ tandem locantur in replicationibus versùs poplitem à membranâ internâ ligamenti capsularis efformatis, quæque ligamenti cruciatis eorumque fasciis vicinis peculiaria involucria subministrant.

De musculis vel potiùs aponevrosibus has partes corroborantibus, sicut & de earum vasis tùm sanguiferis tùm nervosis, sufficiens, pro viribus, cuique interroganti dabitur responsio.

## EX CHIRURGIA.

*Divisio.* QUÆCUMQUE ad cruris amputationem, in hujus ossis cum femore articulatione, pertinent, ad duas potissimùm sectiones reduci possunt, & quæstionis hujusce absoluta erit discussio, posteaquàm 1°. casus hanc adhibendi operationem determinaverimus, 2°. optimam eam celebrandi methodum descripserimus.

### §. I.

*Amputationem  
in genu celebrandi  
casus.*

AMPUTATIONEM in articulis celebrasse veteres, ex eorum scriptis apparet; sed de genu amputatione speciatim non differunt. Celeberrimus noster *Paræus* hujus susceptionem, *Hippocratis* testimonio & auctoritate, confirmat. Recentiores verò

Auctores



Auctores hunc operandi modum generatim rejiciunt, falsis & inutilibus licet innitantur rationibus : de hac re si interrogatur *Dionisius*, ab eâ dissentire videtur, (c). Hujus quidem opinio multis Chirurgis admittitur hodiè ; sed, inter recentiores auctores, *Heisterus*, postea quam pronunciavit membra in suâ articulatione non præcidenda esse, propter accidentia ex carnum in his partibus defectu derivata, addit (d) persuasum se habere, sufficienti cutis longitudine conservatâ, vulnus, æquè ac illud digitorum post amputationem, sese consolidare posse.

Celeberrimus *Petitus* noster testis fuit amputationis in articulatione genu quæ celebrata fuit, instrumentis ad alio modo operandum deficientibus (e). Quibusdam in casibus,

(c) *Cours d'opérations de Dionis*, sixième édition, Page 742. Il y a, dit *Dionis*, quelques auteurs qui proposent de couper la jambe dans l'article du genou ; ils disent pour leurs raisons que l'opération en est plutôt faite, parce qu'on n'a pas besoin d'employer autant de tems qu'il en faut pour scier les os : mais cette manière n'est pas approuvée par les Praticiens d'aujourd'hui, qui en font voir les inconvénients ; ils disent que si la partie est tuméfiée, on a de la peine à en trouver l'articulation, qu'on est obligé de laisser la rotule qui embarrasse par la suite [\*] ; que les deux têtes du fémur étant découvertes, il faut qu'elles s'exfolient, qu'elles ne se recouvrent pas facilement par le défaut des chairs dans le genou, & qu'enfin on ne peut appliquer une jambe de bois qu'avec beaucoup de difficulté & d'incommodité pour le malade, &c.

(d) *Inst. Chir. Lib. de Amp.*

(e) Vide *Petiti opera posth.* à Collegio nostro celeberrimo *Lesne* edita 3 vol. in-8º,

[\*] Mox videbitur duas esse methodos hanc celebrandi operationem, sive rotulâ conservatâ, sive eadem ablata.



hanc fieri posse fatetur, & hos casus sic stabilir: 1°. quandò globus ferreus, glans plumbea, lapis, vel aliud corpus cum impetu emissum, crus propiùs ad genu lædit; 2°. si æger vel parentes femur amputari nolunt, in articulatione amputandi necessitas est, artisque præcepta tunc eludenda; 3°. si propter gangrenam amputatio fiat, & ea sese extendat ac limiterur ultrà locum in quo plerumquè præciditur crus, amputatio in articulo celebranda, quandò præsertim vivæ carnes à mortuis secedunt, in loco ubi tegumentorum incisio fieri debet; 4°. infantes quidam sunt, atque etiam adulti, morbo ita emaciati, ut sine ullo periculo crus in articulo separari possit, & hoc est exemplum quod vidit *Petitus*. Operandi modum simul describit, de quo in sequenti paragrapho dicemus. Victrices & indubias palmas quibus Magister *Brasdor* adstruit articularum generatim amputationis necessitatem, hic referre non sinunt programmatis limites; quæ ad genu articulationem pertinent, harum tantùm-modò expositio à nobis proferenda.

Status quæstionis à nobis agitandæ, hic est: utrùm, quandò morbus, qui cruris amputationem necessariò efflagitat, partem hujus superiorem occupat, vel usque ad articulationem cum femore sese extendit, ita ut operatio in ossium continuitate celebrari non possit; an, inquam, in hoc casu, plus periculi à sectione in genu articulatione institutâ sequeretur, quàm ex amputatione femoris pro more celebratâ. Ad hanc enucleandam quæstionem, principia generalia ponenda, & hæc sunt:

1°. EXPERIENTIA constar, eò minus esse periculum in amputandis membris, quò à trunco corporis remotior est operationis locus; hoc posito, sectionem paulò superiùs, aut inferiùs instituere idem non est.

2°. Quandò operandi locus ab opinione Chirurgi pender, amputationem in articulo anteponeere debet, ex eo quòd partium



sublatarum quantitas, vulnerisque amplitudo, minores erunt.

3°. Supponendo genu cutem peculiari non frui structurâ, quæ sensibiliorem femoris cute hanc reddat, dolor amputationis in articulo cum femoris amputationis dolore comparatus, in eâdem esset proportionem, ac eâ quæ observatur in cutis, musculi poplitei, gemellorumque initii quantitate in articulo secatâ, relativè ad quantitatem cutis, validorum & plurimorum musculorum in femoris amputatione secandorum. Quin imò æquali suppositâ in his partibus sensibilitate, differentia semper evidentissima esset, pro amputatione in articulo celebrandâ: hâc igitur operatione, multum minui doloris vim, qui operationum successeui tam terribile generatim obstaculum affert, saltem probabile est.

4°. In articuli genu amputatione, minor etiam erit inflammationis gradus, tum propter minorem textûs cellularis in hoc loco quantitatem, tum quia ipsæ partes secandæ parum inflammationis capaces sunt.

5°. Abundantiâ textûs cellularis qui in femore & in genu reperitur sedulò perpensâ, pauciorum quoque esse debere suppurationem, post articuli amputationem, constat: undè jure ac meritò asseverari potest, hâc operatione celebratâ, eas abundantiores non fore timendas suppurationes, quæ ægrum post femoris amputationem sæpè sæpiùs trucidant.

6°. Deniquè, multò faciliùs ac tutiùs per ligaturam sistitur sanguis, post amputationem in articulatione genu celebratâ; difficillimum enim est, quandò post femoris amputationem fit ligatura, fibras musculares ex alterâ parte ossi adhærentes, non simul in ansâ fili comprehendi, undè dolores, inflammationes, molestæque sequuntur contractiones. In cavo è contrâ poplitis, arteriæ solo textu cellulari circumvolvuntur, & nulla fibra muscularis per ligaturam vellicari potest. Præterea, his arteriis solis



tegumentis rectis, & parte femoris posteriore latam exhibente superficiem, quam suprà conveniens retinere apparatus facile esset, levis & commoda lateralis institui posset compressio, quæ ligaturæ aut agarici effectum mirè juvaret.

Ex his principiis certis, ratione & experientiâ stabilitis, quæ M. *Brasdor* fusiùs in suâ dissertatione discutit, hanc cum inventore liceat nobis elicere conclusionem, saltem dignam cui applaudetur, amputationem in genu articulo antepondendam esse femoris amputationi, quandò cruris morbus adest qui hanc vel illam operationem absolute necessariam reddit. Non solum enim minus incommodum, sed etiam minus periculum in sectione articuli adesset, cùm magis à trunco dimoveretur operationis locus, cùm vulneris superficies minor esset, cùm dolor, inflammatio, suppuratio, minora forent, cùm deniquè leviora aut ferè nulla accidentia sequerentur à mediis ad sanguinem sistendum adhibitis. His tam claris, tam certis commodis, addendum, quod solo instrumento secante possit celebrari operatio, quod ferræ usus, & idèò membri commotio, ipsius ossis textûs reticularis dilaceratio, sicut & medullæ inflammatio, hæc methodo vitentur.

Præter observationem *Petiti* superiùs allatam, aliam quoque similem de amputatione in genu articulo refert M. *Brasdor*, quæ ab artis Magistro citiùs eheu! crudeli morte Chirurgiæ & amicis erepto D. *Hoin*; suppeditata fuit. Huic etiam annexerat historiam ægri, quæ casûs exemplum præ se fert, in quo maximè conveniens apparebat amputatio in genu; hanc unicam salutis anchoram suadebat M. *Hoin*, neglecta tamen fuit; & tribus diebus periit æger. Quare igitur anceps quidem sed unicum artis salutis auxilium neglectum fuit? Quia in re medicâ, sicut & in aliis rebus, numerantur, non præponderantur voces. Supereft nunc, ut varios hanc operationem celebrandi modos, ex eodem fonte depromptos, hic tradamus.



## §. II.

NOTANDUM primò est, quodeo in casu ubi in ipsâ articulatione reperiretur membri gangrenâ corrupti demarcationis linea, instrumenti via generatim delinearetur & per circumstantias locus amputationis designaretur, ita ut illud tantùm modò abso-  
vendum esset, quod Naturâ inchoavisset. Relativè ad amputationem in genu articulo, ab initio duæ solvendæ sunt quæstiones. 1°. Rotula separari-ne debet, vel non? 2°. Carnis segmentum posterius conservari-ne debet, vel sectio transversa sufficiat-ne?

*Amputationem  
in articulo genu  
celebrandi variis  
methodis.*

Si auferatur rotula, condylorum denudatio major erit & ideo tempus curationis atque etiam operationis diuturnius: cutis sectio æqualis non erit, sed plurimis in locis quasi concisa. Si è contrà conservetur rotula, parva vel nulla erit denudatio, & ferè in totâ superficie suâ cooperientur condyli, tum per carnis segmentum posterius, tum per cutis partem infra rotulam conservatam, ut mox dicemus; sed non-ne accidentia sequi possunt, si in situ relinquatur articulationis pars efformata per condylorum articularis facieculæ concursum, cum rotulæ posteriori faciecula? Corruptione affici sensim non-ne poterit humor synovialis? Partes molles hujus articulationis portionis, quæ secatæ non fuerint, non-ne iis obnoxia erunt accidentibus articulationum vulneribus communibus? Experientiam solam tutò & certè de hiis pronunciare posse fatendum est. Ambarum operandi methodorum descriptio mox danda diversas offerre potest indicationes, quæ pro variis circumstantiis ad varios determinant susceptus. *Petitus* auferri rotulam vult, eâ ratione impulsus quòd multum asserat in deligationibus incommodum. « Cum enim, inquit peritissimus vir, sursùm trahatur per cruris extensores musculos, cum per suum ligamentum infra jam non contineatur, semper vacillat quoties apparatu detineri

*Prioris quæstio-  
nis solutio.*



» cessat », Utillima potest esse *Petiti* observatio ; sed contrarium in suo ægro observavit *M. Hoin* : inter duos artis Magistros quis litem dirimere audebit ? Experientia sola pro variis casibus ; posterior nunc quæstio enucleanda.

*Posterioris quæstio-  
nis solutio.*

Hujus quæstionis solutio quin affirmativa sit, nihil impedit. Semper enim carnis segmentum conservare, utillimum erit, quod saltem ex parte adhæSIONem contrahere potest, cum osseâ superficie nudâ, ut in ægro *M. Hoin* evenit, & indè promptior erit curatio. Prætereà ligatura vasorum, si adhibeatur, facilior erit, cum vasa in segmenti superficie carnosâ serpent. Arteriæ popliteæ amplitudo ex parte nuda erit per transversum saltem digitum, in cylindri alter-utrum latus acus infigi & altero latere eximi facile poterit, nullis aliis partibus in ansâ complexis. His adde, quod segmento in condylos redactò, sanguinis cursûs directio mutata fuerit, & hujus impetus saltem coactus, undè concurrentibus aliis mediis, minor ejus effusio. Ligaturâ tandem inter segmentum & osseam superficiem collocatâ, tutiùs in situ remanebit, certioresque erunt hujus effectus.

Quodnam autem medicamen anteponi debet ad sanguinem sistendum ? Varium pro vario casu. Si post perfectam sectionem resolutò torculari, paululùm sanguinis ex arteriis effluat, ut in observatione *M. Hoin*, sola agarici applicatio sufficere poterit, juvante idoneâ compressione. Si verò vel minimùm timendum sit, ne fallax sit hoc medium, ad ligaturam citò & sine dubio recurrendum erit, præcipuè si nimis validus sit æger, & artèriarum magna amplitudo.

Unicum secans instrumentum ad hanc operationem sufficere potest, & rectum cultellum in plerisque amputationibus commune, cum successu tunc adhiberi potest. Hoc tamen antè-



ponendum, quod invenit Magister *Brasdor*, cujus incisoria pars paululum convexa, obtusa acies, & dorsum paulò spissum. Sex in latitudine lineas, & quatuor circiter pollices in longitudine pro adultis habet lamella. Apparatu disposito, ægro in situ idoneo collocato, applicato torculari, ad sinistrum ægri latus se accingit Chirurgus; crus læsum in situ horisontali, quantum fieri potest, sustinet minister, dum alter exteriore membri in parte positus, crus suprà rotulam duabus manibus complectitur, & sursùm fortiter trahit: his ritè depositis, operatio variè celebratur, prout rotula vel conservatur, vel tollitur.

In primo casu, Chirurgus sinistrâ manu crus anteriùs, & infrà rotulam comprehendet, ad infrà trahendo cutem extendendam; dextrâ manu cultello armatâ, ad poplitis oppositam rivam, cultelli partem incisoriâ ducet, hancquè anteriùs reduceret, secando cutem transversim, usque ad alteram poplitis rivam; ita ut pars posteriùs inter duas rivas complexa, vel id quod propriè poplitem efformat, hâc primâ sectione nullo modo incidatur, & linea transversalis quam percurrit, usque ad transversum infrà rotulam digitum sese extendat. Duobus vulneris cutis labiis à sese invicem dimotis, validum rotulæ ligamentum intuitur, quod ad labii superioris marginem secari debet. In cavitatem articulare penetrato instrumento, inciduntur alternatim, juvante ossium unione, partes capsulæ laterales. Attendendum est simul, ministrum qui crus continet, illud flectere in tantum quantum secatur; ligamenta cruciata, & cartilagine inter-articulares simul cum aliis partibus, sine peculiari attentione, secari possunt; magis ac magis flexo à ministro crure, cultellam usque ad posteriorem tibiæ capitis marginem sensim ducit Chirurgus, & ad carnis segmentum efformandum, primò versùs cruris axim, deindè versùs pedem, instrumenti partem incisoriâ dirigit; hinc obliquè ducit ex

*Rotulâ conservatâ  
operandi modus.*



superiori ad inferiorem, & ex anteriori ad posteriorem partem, sectionemque absolvit, segmine efformato quod quatuor circiter transversos digitos adæquat. Talis est operandi modus, quandò conservatur patella.

*Rotulâ ablata  
operandi modus.*

Si verò eam auferas, eodem ferè in loco, ac in superiori methodo, inchoatur quidem incisio; nedùm autem transversim ducatur cultellum infrâ rotulam, obliquè suprâ hanc adducitur. Incisio deindè super sinistrum latus prolongatur, & obliquè descendit, ad in hoc latere sese terminandam, eodem alto in loco, ubi in alio latere inchoata fuit. Undè videre est hanc sectionem describere lineam curvam, cujus media pars rotulam transversim separat, & extremitates super popliteis margines fulcimentum habent. Hâc primâ sectione, omninò secari debet cutis, & accuratè à rotulâ distrahi, ut suprâ hujus ossis extremitatem superiorem ascendere possit. Ad eundem finem, ministro qui femur continet præcipiendum, ut ad se, quàm maximè poterit, attrahat. Hoc verò si non sufficiat, crus paululum deprimendum, & cultellum sub incisionis labio superiori ducitur, in eâdem proportionem quâ ascendit cutis, & sic omninò nudabitur rotula. Tunc Chirurgus sinistrâ manu hanc arripit, tendines musculorum cruris extensorum immediatè infrâ horum adhæsiones secat, rotulam sublevat, instrumentum ducit secundum ossium unionis longitudinem, ad capsulam in alterutro latere vicissim secandam, & sectionem, ut superius dictum est, absolvit.

*Ligatura & apparatus.*

Quoquo autem modo celebrata fuerit operatio, arteria poplitea nuda apparet, & quasi ab aliis partibus separata, in transversî circiter digiti spatio; sanguis ex eâ fluens, sive agarici applicatione, sive ligaturâ, pro variis circumstantiis, ut jam superius diximus, sistitur. Si ligatura celebretur, filo secto quædam relinquenda longitudo, ut, ipso separato, facile possit extrahi,



extrahi. Hujus fibræ colligendæ, & in loco, ubi minor erit à segmenti margine distantia, collocandæ; ligaturâ institutâ vel agarico applicato, super condylos anteriùs adducentur tum cutis, tum carnis segmina, ita ut, quàm minimè possibile erit, nuda relinquatur ossea superficies. Imponatur huic deinde levis linamenti carpi mollis placenta & insuper spissum splenium, his sustentatis capitis tegumento, fasciæ circularis paululùm strictis circumvolutionibus contento, ita ut, pro clarissimi viri D. *Monro* consilio, apparatus contra vulnus tantum leviter contineat & comprimat (f).

In sequentibus deligationibus, & quandò humorum expurgatio fit, anteriùs & posterius super amputati membri partem extremam applicare optimum erit fasciolam agglutinantem, ad in sensum contrarium cutem attrahendam, & sic illam ad sectionis centrum approximandam.

Nonnulli adesse poterunt casus, in quibus generalia hîc tradita precepta locum non invenient; pro circumstantiis, hanc vel illam agendi normam sequatur artis suæ compos Chirurgus; sufficit nobis ratione & experienciâ comprobasse, plurimis in cruris & genu morbis, amputationem in horum articulo femoris amputationi esse anteponendam. Hanc igitur confidenter elicere conclusionem possumus:

*Ergò amputatio in articulatione femoris cum tibiâ aliquandò est celebranda.*

---

(f) Vid. *Essais d'Edimbourg*, Tom. IV, page 392.



